

Vlada Kantona Sarajevo
Kantona Sarajevo
Reisa Džemaludina Čauševića 1
Sarajevo

Sindikata radnika u zdravstvu u
Kantonu Sarajevo
Obala Kulina bana 1
Sarajevo

**Komisija za tumačenje
Kolektivnog ugovora o pravima i obavezama poslodavaca i radnika
u oblasti zdravstva za područje Kantona Sarajevo**

Broj: 14/25
Sarajevo, 30.12.2025. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva Pilavac Fadile – zaposlenice JU Dom zdravlja Kantona Sarajevo od 27.11.2025. godine kojim se traži tumačenje odredbe člana 37. stav (1) tačka 1. i 2. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na prvom nastavku 1. sjednice održanom 30.12.2025. godine donosi

ODLUKU

Član 1.

Utvrđuje se tumačenje odredbe člana 37. stav (1) tačka 1. i 2. Kolektivnog ugovora u odnosu kojoj grupi složenosti poslova pripada „transportni radnik“, kako slijedi:

Dovodeći u vezu odredbu člana 37. stav (1) tačka 1. Kolektivnog ugovora kojom je propisano zanimanje I grupe složenosti poslova, koje obuhvata jednostavne poslove za koje je potrebna osnovna škola uz navođenje tih poslova i tačku 3. istog člana i stava, kojom je propisano zanimanje II grupe složenosti poslova koje obuhvata manje složene poslove za koje je potrebna osnovna škola i dodatna znanja, vještine i praktična iskustva uz navođenje tih poslova, sa opisom poslova radnog mjesta „transportni radnik“ u JU Dom zdravlja Kantona Sarajevo, zaključuje se da radnici JU Doma zdravlja Kantona Sarajevo koji obavljaju poslove radnog mjesta „transportni radnik“ pripadaju zanimanju II grupe sa koeficijentom složenosti poslova 1,60.

Član 2.

Ova odluka će se dostaviti podnositelju zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

Član 3.

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za tumačenje Kolektivnog ugovora o pravima i obavezama poslodavaca i radnika
u oblasti zdravstva za područje Kantona Sarajevo

Ivona Islamagić
Nina Delalić
Nedžad Meheljić
Sanela Malićević
Jasmin Avdović
Senad Sadiković

